

溫州府知府



知府



石蓮閣詩

溫州新園記

石蓮閣詩

石蓮閣

石蓮閣

石蓮閣詩卷五 庚辰以後詩下

題星謀藤陰滄茗圖 乙亥

海豐吳重熹仲懌



君家朱藤吾邑無垂陰接葉廳北隅昔時過訪坐清晝松
枝篝火扇風爐自從宦海事奔走三十年來無坦途百務
糾纏例束縛那有苦澀回甘腴遙憶故鄉好春夏綠陰不
用歌席鋪垂花策簌武帝帳盤根天矯狂顛書紫金百餅
截圓玉花蕤雙瓊跳漚珠七盃每詡風生後一甌長及睡
足餘君今要挽伊洛轡陌頭五馬方脚蹶希文不欲有茶
具子瞻何暇成調符召南甘棠美蔽芾隨堤楊柳栽扶疏

石道園詩卷五
我昔舊遊君復去前後接踵歌喁于他時二老謝簪組秋
風鄉味濃純鱸歸裝各倩碧豎理入林把臂還相呼我家
藤蔓亦成幄望衡對宇無差殊中冷泉水定滿載引君清
夢來江湖

題自製朱拓彝器圖

能奪宣和譜錄工不教索忝不相同試將潑翠煙巒色幻
作珊瑚映日紅

己亥人日題李菽淵同年望萊堂詩文徵存

慕萊堂外多白雲慕萊堂上人殷殷白雲殷殷望親舍望
而不見空榆粉南康故是老萊籍我公來領南康軍築基

三百五十七

08326

庇材建斯舍題榜乃見純孝純十年改官到白下繡衣淚
漬皋魚痕徵文志痛萃珠玉後先作者何紛紛我聞 聖

朝以孝治士夫而降賅齊民天經地義聖垂訓始於君親

終立身君今此慕貫存沒石齋斷謂身即親 黃石齋先生自跋獄中所

書孝經云身即可知致身即盡孝身立吾親仍世存願與

是親親即是天齊年永此慕立身乃報 君親恩新寧劉公示我先世句

負米不到黃泉垠 封公句云牛囊仲氏米負不到黃泉孤兒讀之淚如涌親

歿富貴何足云嗟我小年痛孤露歲維乙卯連丙辰柩椁

館舍踵捐棄較君所遇尤悲辛環讀斯集觸風木畢逋私

念烏難伸題詩聊道人日例草堂附驥希千春

大風雨由真渡江入揚

昨日船向金焦來今日船背金焦去來時打頭風船趨去
後淋漓雨如注黑雲倒垂白浪翻馮夷鼓舞潛蛟怒江山
勝概倏奔馬今古興亾如電露宋時四鎮佐中興魏公臨
江勤布置明時四鎮徒紛爭錯起南都成鐵鑄雖有天塹
在得人祖生擊楫成空渡方今歐亞正鷹瞵魚鱗鬣帆互
相屬盡將天險變樵場韓王一戰將無地乘風破浪且飛
來晚看危檣密如薺

平山堂

隔江山色如浮眉平視不嫌青撲面昔賢於此巧結構迤

四百一十三

邇蜀岡綿不斷十步一閣五步樓鬪角鉤心土木賤四百
八十南朝寺對此或多失新豔烽煙堂宇化荆棘金碧回
頭成露電後人規復苦難全一隅何能還舊觀清泉碧瑩
第五名明月銀泥二分爛住持好是六一裔指點前型如
目見歌吹無從問竹西夕陽在山人影散

上元日登北固山坐凌雲亭望江

東來江水今古流淘盡人物成千秋吳頭蜀尾互連絡岷
峨發洩金焦收中間北固最雄傑甘露舊寺營山頭鐵鎮
國界衛公塔窗收多景南宮樓坡仙山谷共蘋藻至今祠
宇山阿留湘桂蔓延起兵火武昌破竹連瓜洲瓊花明月

慘殺戮鐵甕秋草森戈矛江南半壁盡蹂躪誰其補缺完
金甌中興胡曾偉一代長江全局通盤籌及時立功勉統
制小姑果與彭郎儔山有楊勇愍彭剛直兩祠小姑嫁彭郎奪小姑山時彭公戲語也至
今江山侍俎豆魏峩廟貌工新鳩我當佳節偶登覽窮薄
轉視江潭舟中流適見一舟覆名利性命真浮漚有田無
田兩難計心爲境制將誰尤出山回首望雲木宦蹟勿滯
名山陬

哭邊潤民制軍

東南光隕動星文臺閣高名鼎鼎勳觸石新滋閩越雨豐
碑舊勒洛嵩雲一縑不受公能潔六法無私我媿恩痛洒

四百一十箇

九原知己淚當年鵝鷺列同羣

舟泊台莊夜暑甚卧小划上

督漕連年在水鄉宵深炎暑莫逃藏瓜皮艇繫官航側籐
枕桃笙貼水涼

漕舟過昭陽湖

昭陽湖接南陽湖青山放眼連豐蕪路人具述春夏早彼
蒼如靳玉與珠大魚潛身蟄泥滓小魚困轍難昭蘇瓜皮
艇子費推挽沒盻猶賴人相扶五月癡龍始睡足月盡一
雨回乾枯潢汙行潦畧有積運道幸得通舳艫我督河漕
忽三屆最於湖路稱安舒檣連十里風五兩張帆飽看山

嵐腴今年河水一衣帶船脣僅足敷濡儻非天瓢一灌
漑將無畧盪成憂虞迴憶秦郵好風景土圻兩岸龜文麤
蚌螺皚似霜雪白農田爭軋環呶嘍一板停留一板繼陟
山難爲舸舩圖前人苦心巧結構能令八省無追逋自從
軍興議改折轉輸江北存一隅四五百艘猶跋涉全漕儻
復將何如俯仰逝水爲太息海濤遙羨天風趨

家鄉人來言庾姪所理小園樹已拱把擬名之日竹
遺而記以詩

阿咸橫卧六經秋手理園池今尙留碧綠桐陰紅柿葉聊
爲癡叔夢中遊

三百五十五

寄題王子獻同年昆玉髮冢圖

我昨遭風衛河道故人雪苑來雙魚中有奇氣虹貫月知
爲齊年髮冢新題圖齊年棣鄂各至孝椿彫萱茂難久廬
爰以薙髮瘞隧道毓生瑞草承芝趺大孝感天天預兆仲
氏夙策金滕書願延母壽請身代懷沙遺則循左徒我傷
蛄屺感杖杜人生誰似孤兒孤庸行奇行兩有媿聞談至
性空嗟吁每遇高山輒仰止微名驥尾心難無題詩儻獲
到禹穴汗顏下拜來珠湖

通州三謁潘文勤師祠

連番督漕近 神京一拜崇祠一淚傾四壁 賜題雲五

色卅年待漏月三更霜風蔀屋災民感秋水蘋花弟子誠
雞酒何時菱白蕩彭宣猶是老門生

俞曲園先生見過

靈光夙仰殿巍峩杖履今朝喜見過地入嫵嬛瞻學富春
歸林壑得天多玉堂祖父傳台鼎錦祿曾孫備印戈好繼
常州成盛事西湖又聽鹿鳴歌

蘇州謁文勤師墓

來租菱白蕩邊船寒食清明禁火天絳帳笙歌成往事白
頭弟子哭新阡風雲龍虎成千古文字蛟蛇壽百年遺墨
滿厨同尹相一回披讀一潸然

三百七十四

和總督劉公入 觀留別元韻

溫公勲業潞公年華髮羸教早上顛霄漢恩榮承 詔入
波濤忠信看帆懸內修外攘尊方叔 主聖臣賢頌子淵
曉日觚稜趨魏闕好抒籌策報 三天

賜壽天珍帶笑催 璇題綈錦跪親開威儀百禩欣重見

任江督者自尹文端後兩次賜壽 碩望三湘敘偉才 三年考績公以老成碩望與合肥相國均

從優敘議 民欲必從星好惡忠懷那計阪紆徊江南四莅關休

戚暫去仍教首屢回

兼圻懋績肇湘鄉前後謳思總不怠 湯文正曾文正遺愛坊並題民不能忘四

字 一代武功唐李郭 三朝謀畫漢平良築臺市骨招騏

驥向日和鳴引鳳凰不似吟詩杜工部猶留遺憾在川棠
樗櫟何分梁棟憂枉承牖戶贊綢繆步趨敢懈冰淵惕知
遇難償雨露稠鵲鷺兩行依籜節海天一柱峙中流願廣
鴻渚公歸早待迓前旌到石頭

題費耕亭先生篝燈課讀第二圖爲岷懷太史賦

禁煙風雨淒白楊久離邱壘思故鄉白雲何處有親舍起
讀書卷心悲傷武進先生嘉道際文章正始官循良人在
蓬萊峰第一擇鄰有教心難忘作圖王君記文毅前賢幾
輩垂琳琅父書祖硯遠三世續圖後卷輝金閭古來聖哲
多慈訓禾中錢母名尤揚夜紡授經傳畫幃文端奏進邀

四百二十一

天章時距周甲事繼美後先名跡同流芳我守兩河十
八載先生遺澤留汝旁至今萬戶青熒夜攻苦一燈無盡
慈恩長

庚子三月迓峴莊宮保於吳淞余晉珊沈靄蒼兩觀
察迭主東道賦此寄謝

兩行鵲鷺望旄旗爲迓檐幃此暫居我輩海門觀日出誰

家江水發源初

是日會者江浙閩鄂
齊晉江右獨少蜀籍

蕩來西子湖邊棹馳

盡奇肱路上車幸有河閒君子館如歸客免歎無魚

題許豫生觀察 貞幹 青燈課讀圖

孔孟無父兒作聖基母教天不滿西北慈恩成至孝繫惟

南閣齋鉅族稱閩中壽母元季行寡女悲絲桐珍此襦中
兒折蓼兼畫荻夙嫺瀧岡訓不輟敬姜績一燈歷寒暑冰
蘖三十年策兒貢 明廷不負母所天夜紡授經圖禾中
荷 宸賞機聲燈影圖北江壽天壤孝子師此意報母千
秋名徵畫與徵詩泣淚恒沾膺徽音易爲往文者行之輿
相得乃益彰可不珍重歟宮花襯萊衣齒博北堂粲痛我
黃泉路泥金終望斷題君青燈圖觸我青燈悲名行兩不
立爲我題者誰節孝萃一門末流真砥柱熏香拜讀餘春
燈燼紅炷

費妃懷太史屬題丁太夫人牡丹畫幀

三百八十三

寫出沈香最上乘澄心紙嵌研繚綾福人昭代王淵雅淑
匹前朝管道昇

北堂遺墨抵箕裘太史珍藏五十秋畫於辛亥會見 宸章重

錫寵三吳母教媿南樓

袁浦行館坐雨

文書幸稀少夜雨午未歇小竹矮於人依依向階砌

奏派赴行在留別浦上紳民

欲去難忘淚眼揩後先兩月駐清淮依劉自分臣應死借

寇原知事不諧時防拳匪南侵紳民稟留未准要地成城須衆志時危濟

變勉吾儕使君何足關民念慙媿香燈滿六街

過高郵北上

年年督漕渡春江如翦菰蒲夾去艘今日蘆花三百里都
含秋雪向蓬窗

將由汴赴秦遙憶汴中諸友

石頭城下挂帆旂久別梁園似客歸瓜步霜清漁火出蘆
花風起雁行稀九原舊雨誰能作幾點晨星望益微節近
重陽勞念我茱萸待佩故人衣

途中寄黃小宋陝州

昔時久宦梁王苑未得西游陝洛原今日麻鞋赴關隴訪
君來坐艤槎園

三百零八箇

題王子獻同年墨蛻圖

蛇蛻已非蛇蟬蛻已非蟬形模雖略具不能全其天蠶蠟
蛻欸識肇自趙宋年君家復齋翁拓本阮葉傳珪墨澄心
紙展讀餘新鮮相承至今日緝密始精研觥觥賢太守家
世節孝全餘事到文字累累陳鴻編黃鐘逮五缶印方兼
鏡圓日甲乙丙丁四部羅堂前先藏本宏富劫火成雲煙
僅存三代器字在秦漢先幼子習篆籀模景付雕鐫繕本
進石渠祭酒爲拜箋餘一鱗片甲遺澤悲俱溷熹今赴
行在君遊鞏洛邊預想一握手締此金石緣籃輿了詩債
冀免呵斥愆此身本遺蛻聊參文字禪

徐州尋燕子樓屢經移建非其故址燈下歸來得廉
生祭酒死事節略其孤自歷寄來感觸於懷不能自
已

三才峙鼎足天地參以人庸與草木腐節義獨千春建封
昔建節淹忽謝緇塵高樓遺孽妾嫠也守其眞白傳諷以
詩墜與金谷倫歌吹渺難卽霜月方如新今年遭浩劫簪
笏多逡巡繫歎許南閣獨與井鮒親雙壁痛沈月一星悲
嚮晨旅燈讀遠訃雪涕霑重巾臣妾理一致家國誰能吟
美人香草思萬古無埋堙

星謀由大梁送至中牟記自戊辰在京聯牀今已三

十三年

昔年居近 液池波過往時鳴 帝里珂花萼重聯唐枕
被黍離同泣晉山河烽煙瀕洞馳鷓鴣荆棘荒涼弔駱駝
回首島西舊眠處青苔碧瓦夕陽多

輿中卽目

柿林濃紫團成朶柏樹嬌黃散作行襯入萬株蒼翠裏天
然綠地錦明光

過鞏縣工部祠堂

六十年來奉公集今朝故里拜叢祠傷心烽火連三月何
日重吟劍外詩

葛宏墓

西去麻鞋謁 至尊烽煙何日靖中原故人盡節難迴首
怕過葛宏化碧邨

過武虛谷先生墓道

紅梨無限秋容豔路轉金灣近偃師林立道旁多刻石
荆蘿但讀武君碑

渡洛

王孟穀戩有黑石渡次韻詩云千金立石作柱石長繩曳倒知何處王侯螻蟻盡邱墟擾擾行人晚爭渡取關石

作碑禁久弛矣

驅車過成皋來問黑石渡二樹山人碑尙存云是李郭同舟處北邙東向關西峙洛河洶涌奔騰去關東卽是宋諸

二百九十五

陵遠恃此關爲鞏固先時禁用此關石李氏光晷碑其故
壁間又龕西涯詞俯仰古今悲旦暮三泉多少知名人無
地能爲達魚素

磁澗道中

洛城纔過已深秋五夜新寒欲攬裘敗葉霜彫經雨脫層
雲風托訝山浮鷗聲南北評量宋澗水東西想像周汲得
井華堪漱齒飯餘花乳泛茶甌

迴雲寺

遙峯撲翠嶺橫青鞏縣西來第一亭輿馬徑衝市河去迴
雲寺外雨冥冥

澠池義昌驛

義昌驛裏逢重九藉草爲牀傍樾眠迴憶年年簪菊會不知世上有戈鋌

潼關道中再柬星謀

殺函西去路迢迢第一雄關宛在霄祖席醪香留上若隔河山色界中條龍逢隧道增悲惋王濬樓船痛寂寥二古跡均在明日山峯天外出愁腸可得劍芒銷

新豐柳

老葉深黃嫩葉青雨行金碧夾離亭折來欲寄無人寄辜負新豐此度經

二百八十一

游玉泉院

華趾舊宮觀錯置如碁布恢廓首雲台窳敗失故步玉泉以泉名冬來泉亦涸但餘石輪囷清溜想吞吐崖間榜石碣題是圖南墓嵌竇卧石像豈真公睡處大石曰山孫額題

山圓亭立如鷲鑿磴躡以升危欄憑不怖迤北巖石船篷窗記洞湖無迺張融家牽來岸上住西日無憂亭兩屐夾奇樹虛中幹連蜷排條枝桎杻奇根似榕盤柔葉認桑誤當年竹葉亭游記未曾註觀或曰仙宮宮或曰太素循徑小流連蒼煙已日暮惆悵青柯杵杳如隔煙霧仰首青蓮花何時覺仙路

卧龍寺雪

僑寓僧寮十月天滿庭竹柏盡瑩然炎劉當日無兵火樂
得平安對雪眠

十月七日偕姚師雲編修李莘夫徐梧生兩農部徐

蓉生太守同游城南牛頭寺

本名福昌寺在樂遊原
上前卽樊川遠瞻秦嶺

有子
美祠

寒雨沐郭門陰嶺皚積雪連袂趁暖晴相尋韋杜轍九衢
留泥淖輪石互憂齧林垞得曠夷恍如鳥出閉迎面終南
山迤邐各就列高蹠名太白天外峙巖嶮飽此兩眼青撲
去五斗潔西瞻薦福塔痕仍昔日裂漸東過慈恩和藹無

三百六十九

風烈不覺廿五里琳宮半崖綴拾級苦蜿蜒借杖補蹙蹙
森爽氣依然秦川與掌埒唐時少陵原杜祠認綽楔庭堂
作營壘神靈病狎蝶何異浣花翁遭時在杭隍同谷與羌
村等此應無別蘋花無地采何以代奠醮摩挲屺下幢此
寺最古碣苦筍不成林猶自爭滕薛孤僧汲山泉中冷比
清冽茗飲未生風僕夫報日映工部昔盛游華筵最高設
歌聲與舞袖久久風流絕卽我昔年來屐痕全泯滅四十
又七年光陰同一瞥馬疲愁路長歸鞍如舵振回首謝山
靈後緣可能結

慈恩寺

七寶裝嚴塔七層褚書兩碣具波棱循闌欲上遲迴久金鼓關山不忍登

出潼關

河帶殘冰泛若鷗跳珠戛玉下中流寒雲華嶽迷仙掌曉日潼關鎖堞樓飲馬長城防上谷投鞭天塹恃中州愁腸萬斛湔難盡不爲湯泉一少留

獨立

霞烘月魄泥銀珖雨過天光卵色瓷寂寞空庭人獨立夕陽西下已多時

中牟道中

三百一十四

黃榆白草路茫茫玉糝平沙曉帶霜料是五更鈴鐸過馬蹄遺跡兩三行

聞與沈絜齋觀察途中相左卻寄以詩

仙仗離京已閱秋麻鞋互走未相侔灞橋風雪長安道瓜

步颿檣太白樓

去秋督漕晤於濟甯

竹馬兒童迎洛下梅花約會訂

蘇州八閩好附颿輪去忠信波濤定不謀

楊集雪行

杈桠萬重玉樹立海底徧長白珊瑚天明衝寒出店去愁煞蹙蹙雙疲驢

遙憶太湖光福鎮縱橫萬樹千樹梅忽疑一夜東風至寒

香玉蕊同時開

曉行所見

旭日如車輪陰雲上下沍一綫射殷紅透出重重樹

穆宗毅皇帝忌日

猶憶天崩日攀髯慟莫蠲嘉平端五日同治十三年異聞錄唐

明皇以八月五日生宋文貞公璟表云月惟仲秋日在端五凡月之五日皆可稱端五也

題侯東洲甲午江南秋闈高會圖

皇帝二十年太歲在甲午行省開鄉闈兩序貢瓊琬江左

古名區人文萃淵藪監臨東陽公愛才信陵伍虛左迎侯

生成風資匠斧延已觥觥才叔度汪汪字主試為馮蓮堂學士黃叔頌編

三百四十八

修冰鑒與玉衡盛榜開龍虎一時分校才崢嶸不能數九

思習漢志敬儒注有漢書地理志注子淵頌聖主賓客富詞藻謂柯敬儒王篤

臣劉冠一三君我鄉土惟君監巨擘赤緊有治譜甄拔重

寒峻輪轍副規矩得士共傾杯談文暢揮塵鴻雪留此跡

宦游伴圭組是年賤子賤命尹開封府棘闈司巡邏循牆

聽譙鼓丙申移金陵識君公路浦掀髯傷世變議論快風

雨春秋忽七閱時局末強弩六龍愴西幸折衝無禦侮遂

令庚子科詔待明年補格律陋五言章句厭八股誰歎才

士才但笑腐儒腐題君高會圖起我祖生舞安得濟川人

大義驅今古新舊勿狺狺同作中興輔

恩藝棠方伯達幼文徐叔鴻沈霽蒼郭月樓四觀察
同聚予秦淮寄寓霽蒼成詩索和

秦淮水凍冰皚皚銷寒置酒陳金罍簪裾之盍古有慶衙
鼓罷響傳箋催金陵勝朝最繁豔牙牌爭挂歌樓隈自從
五侯列第宅輕煙淡粉靈池灰揚州貴人例閉置輿中新
婦顏難開擊犖馳馬那得預蠟淚數尺高成堆西園偶然
作雅集擲錦各欲搜瑰僉稱此會已云樂酒戶分倒紅
螺杯今年六龍愴西幸咨嗟地轉悲天迴麻鞋霜雪飭
奔走拾遺涕淚心同摧返棹江南暫萍寄難得舊雨鳴珂
來新亭不免晉人泣野老時述江頭哀近者歛書馳絡繹

四百四十一

哀痛 詔旨傳風雷乾坤整頓賴羣策聞雞志節捫蝨才
杞梓梗枿各異用輪囷枝幹由培栽羽毛齒革本自有胡
借異地方呈材鏟濠收闕在春莫櫻桃及薦紅珠胎吾曹
今適際封篆白戰陣尾欣追陪行將先後赴閩海一枝互
贈官齋梅

題徐叔鴻蜨僊三影畫卷

傳是元臣
盡節者

萇宏碧血無地藏栩栩變化如蒙莊太湖三萬六千頃仙
靈不住住太常濱州高陽兩文正仙緣夙締聞能詳風雪
千里無間隔銀槎春酒供鵝黃佚事傳說四十載媿我塵
俗恒悽惶手追心摹豈眞面誰爲圖畫師滕王東海方伯

石蓮閣詩卷五
世忠孝丙舍猶見仙飛翔招邀詩僧繪行看儼如曬粉當
春陽貞魂毅魄古不沒物化往往神無方杜鵑啼血記蜀
道精衛銜石填滄桑瓊霄內史識此意家國之恨心難忘
每見忠義若同氣相逢一醉恣徜徉吁嗟乎布衣真人起
淖泗有元一代成興亾慶童康伯祇埋沒余闕李黼同馨
香

劉聚廡觀察邀同繆炎之太史徐叔鴻郭月樓俞恪
士汪叔芾趙香圃濮青士傅茗生七觀察同游靈谷
寺遇雨歸途並瞻拜明祖孝陵賦呈二十韻

菜花金散迎人香東風三日愁春暘昨宵星斗尙璀璨忽

三百九十六

然一兩山蒼茫賓客招邀訪名跡各就籃筍拋輕航出城
驟喜脫闐闐相逢已有人緇黃遠山還抱合沓勢近址屢
越陂陁岡豐坊兩柱屹白玉故宮一帶圍紅牆神烈山碑
負屨最無量殿瓦飄鴛鴦晉時誌公墓田好明祖遷之靈
谷旁穿林渡澗那遽到石徑一綫盤羊腸定惠棠移紅築
簌淇泉竹繞青篔簹八功德水應祈禱漫山甘澤歡耕氓
餘勇披箕杖藜鼓孝陵石攫鬚髯蒼銅鋪石礎盡兵燹六
百年事嗟荒涼昔宦屯田隸水部 弓劍痛值 橋山藏
石象生器屏不用 先皇儉德尤明彰特奉名山號 天
瑞地祇呈異山靈踰天壽故陵慮廢棄增修飭祀儀文詳

我朝厚德古無有直與覆載同久長每逢 踐祚及
升祔歷代陵寢皆裸將冬青樂府彼何酷世運於此觀與
亾

題姪外孫女冷蕙貞畫花竹秋蟲長卷

窗外秋籬自寫生尺波叢篠費經營幽閨時有聞根趣天
籟飛來紙上聲

將之閩任途中寄呈新寧宮太保

久築籌邊第一樓勳臣事業在千秋桓寬議論關鹽鐵羊
祜風流緩帶裘無厭拒將回紇請強鄰消釋契丹憂一身
天下安危系豈為江南半壁留

三百七十八

慙媿毳毼不舞禽四年教誨被恩深寒蛩猶抱鳴秋志下

駟仍存伏櫪心榮利敢云能淡泊公有淡於榮利之褒雪霜漸覺老

侵尋兩河作守臣猶壯抱著枯桐沒賞音

戟枝影裏別春旂閩海東南問所之石轉應輸心不沫河

清詎謂見無期頻行以再侍為祝公曰吾七十矣知能待汝否相對潸然陸莊年不

關豐歎程雪門思立透池夙諗一縑公不受三升清淚當

酬知

閩臬署雜詠

入門一徑夾雙流水珮風裳夏似秋荷葉香清花韻遠筍
輿過處宛如舟

齋高幽敞透晴光南檻風來北檻涼無縫綠雲排檻外倒
涵竹影小方塘

東園一百本芭蕉不爲風搖爲雨搖蠟粉泥牆攔不住怒
芽橫出走廊腰

門榜榕盦壯繆祠祠旁叢篠蔭清池晚來不斷投林響碧
綠濃陰白鷺鶯

曉露枝頭摘荔枝井華新汲浸名瓷分嘗百果饒醫否紅
擘霞裳玉築脂

城中小市近魚蝦海氣餘腥買到家石首長年來不斷不
須棟子候開花

三百二十四

名泉汲得性溫良不數驪山玉盃方最是晚涼新浴好湯
門門外水如湯

同治甲子歲家居與庾生梅丞仲章同學夜逢涼月
聯作長歌隨手棄擲未嘗存稿辛丑六月十六夜提
刑在閩獨坐東軒亭上雲月瑩明偶憶昔詩僅記首
聯庾生倡予續之也三人均歸泉下傷我獨存聯綴
成篇以志吾愴

流雲馭風月倒行月輪碾雲如有聲月移雲動互吞吐眼
前頃刻殊陰晴人生蜉蝣寄天地亦如雲月相光明回頭
三十八年事陳跡一一成蟬鶯阿咸聯翩掇高第柱下一

榻依南橫連番抗疏爲法越失官客死悲任城梅丞秋榜
備列宿名次二
十八橐筆京邸方崢嶸長吉嘔血竟不起勇節

遺澤天何輕仲章老大始拔萃三晉作宰錢不名平原竟
以病酒卒吾姊四子今無甥惟我樗材不中斧拳曲猶得
貪春榮連枝接葉不復得孤根霜露時虞傾今年四月到
海閩蠻煙蠻雨連三更忽逢圓靈開朗霽長歌獨唱無同
賡舊時聯句偶觸念洞仙歌補新詞成九原親故儻可作
良宵鬪韻還相爭黑頭綠鬢總黃土風燈縱在嗟殘檠須
與雲掩月西墮夢中應慰鄉關情

夏夜

三百八十一

飯罷茶餘散晚涼高低臺樹接迴廊檻螢避扇光歸樹窗
竹因燈影畫牆疏響到蕉知雨過輕陰奪月看雲忙簪纓
何必非蘿薜自覺閒中却掃方

傅子式花延年室印譜

石印刻手推文何大江南北名巍峩國初櫟下樹赤幟高
名梁苑齊牟駝程鄧振起皖南北鄭汪耀采平山阿其間
西泠推最盛丁黃吳蔣連枝柯傅子示我印七冊云三十
載虔護呵二陳後起法尤叔六家風韻皆殊科脂紅肪白
截花乳犀象角齒兼紛羅紫砂或傳出時龔名窰又謂成
官哥欵題紛雜行並楷結體古奧隸與蚪煙煤精拓露波

磔珊瑚細屑經研磨文房精鑿有如此元瑀宋槩同切磋

君藏書多精本

吾東好古亦有士安邱張氏傳尤多松巖南阜與

未谷僂指亦各新紋螺海濱病史

陳壽老

發願力萬印宏量

如江河印人著作此觀止外懼不敢森矛戈先臧官私亦
千拓裝池再請供吟哦題詩代別不忍送案頭一日三摩
掌

胡硯蒸督糧招集衙齋與繆小山太史徐叔鴻沈幼

彥余恪士劉聚廩濮青士五觀察用西法拍照小像

首倡一詩和韻

嚴滄浪詩話謂和韻詩本朝諸賢以此闢工往復有八九和者故吾二人

詩止于七聯以避滄浪之譏也

四百零六箇

瀟灑衙齋互主賓舊時魚鳥又相親幸逢北海能留客最

喜西湖付有人歸路不忘閩嶠月朝天又踏帝京塵

前賢雅集能千古欲倩龍暝為寫真

再用前韻

同舟集若雁來賓宦味蕭條氣味親紅杏爭酬鬧春句綠
楊曾作隔牆人嬾懷我羨倪高士潔癖君如段去塵書畫
天饒鷓鴣福一園花鳥待傳真

三用前韻

山若環滁歡眾賓雨餘燈火夜涼親詩城早築甘降將酒
政無苛避迫人慙媿侯嬴居左席莫逢庾亮拜前塵差如

石渠詩話卷五
三
洛下耆英會如約盤殮踵率真

四用前韻

設問西都有上賓荒倉聲病又重親偶存弄斧呈材意應
作抽帆勇退人往事電光兼石火前程墜露與輕塵十洲
卽在吳門市吏隱誰如梅子真

五用前韻

受壁齋宜設九賓聯篇珠玉見情親馬良有媿白眉譽阮
籍蒙加青眼人宦轍兩年鴻爪雪前途十丈馬頭塵櫻紅
蕉綠園中有批抹新詞和淑真

六用前韻

三百二十一

禿殘湘管蝕龍賓諷諭都歸肺腑親建白毫無深媿我雌
黃口利但憑人偶尋松島同消暑那有桃源可絕塵近刻
詞人山左集惜無雅什效清真

七用前韻

蹤跡飛蓬本不賓同舟作楫倍相親心來蓮上都成佛語
到蘆中大有入雲水山光三合市去來今事六根塵明湖
又觸蘊鱸夢愜遇須知在蘊真

重到保陽藩署

回頭五十又三年古柏唐槐尙儼然增得幾番霜露感此
情能否達黃泉

李岳星贈畫有杏花春雨詞意隨題一詩時嘉平十六日也十七日而有駐滬之命詩若為兆焉

杏花春雨雨潺潺六載江南兩鬢斑遠道音書望魚素深
宵殘夢見刀環一江別意東流水幾點羈愁北固山猶有
巢痕寄白下可能燕子再飛還來時南京租寓尚未退

石蓮閣詩卷五終

二百六十九

石蓮閣詩卷六

癸卯以後詩

海豐吳重熹仲懌

壬寅十二月奉命以侍郎駐滬會辦電政癸卯正

月入都十七日召見於勤政殿紀恩述事敬

成二律

先皇侍從水曹郎試郡而今廿六霜三屆轉輸供漕米八

閩提典慎刑章兼圻暫攝申

重巽

到任前先攝督篆

世澤承

恩譽二方

先公道光庚戌任直藩越五十三年重熹復承乏斯任略園相國賀箋以方恪敏方勤襄先後

督直為最

蒲柳年華樛櫟質一蒙

榮遇一悽惶

召對延英

太液西申江遙駐遂幽棲

畿疆重任初三

釋正月三日卿貳崇班第五躋先恭定公及兩中丞公均

郎銜暨重橫海遠行持玉節拜恩累葉捧璇題先恭

憲而五及兩中丞公于乾隆朝五拜福方之賜重憲去深慙報

冬蒙慈聖賜畫幅本日召見又賜福字稱無涓滴辜負天書降紫泥

保陽藩署唐槐婆娑瑰古自道光庚戌隨先君子任

卽仰攀之光緒壬寅重膺斯任昔先君子以十月來

臘月交卸甫兩月今憲亦以冬月來正月交卸亦恰

兩月因用西法脫槐全影而倩李君岳星拓而大之

以成此圖因題于幅

槐花黃自李唐年綠滿西南半壁天兩世未會承午蔭且

四百零一箇

圖節錯與根盤

布散千枝與萬枝寒鴉曉鵲互棲遲每看霜露增悲感十

四齡童再到時

保定藩垣古柏二株昔先兄室值其下今黛色霜皮

依然幼時所見因脫其影儷柏為圖並係以詩

森森雙柏影婆娑記得童時手撫摩白髮疎枝相慰藉樹

猶如此柰人何

昔時元季舊盤桓四十年來雁序單今日兩株青翠在菁

菁杕杜不勝寒

張今坡觀察錫鑾屬題左忠壯公遺像公諱寶貴山東費縣人

身與平壤同存亾手然鉅礮鬚髯張黑雲壓城城驟破將
星一隕明天狼句驪起釁事本細陽谷豔豔開扶桑空聞
嚴夏議河套不虞信越開陳倉同時命將九節度莫相統
帥成倉皇公提步卒出絕域前鋒倚若長城長蓄志夙期
馬革裹渡幕適與單于當道誰因失責五將沙祇夜唱量
千囊槍林彈雨屹不退百靈難護忠骸傷名城一墮勢破
竹東溝旅順無金湯頗憶當年守定海精忠三鎮葛壯節雲飛
鄭忠節王剛節竹山門失各斷脰肢體狼籍氛披猖公今
先後與輝映烈若張許殉睢陽 朝廷卹謚表忠節李唐
雙廟同馨香清河觀察寶遺照重以綈錦成裝潢徵題留

三百八十五

為孤孽守跋尾敘述能賅詳同時鞏軍戰威海戴侯孝侯宗騫
死義尤蒼涼其時某鎮有招寶山余步雲之意故戴公電有力不能支此後宗騫不復能再電矣之語
瓣香兩公願下拜雙忠千禩垂光芒

宋芸子以詩見贈卽步元韻

幾度貂裘犯夜寒為籌鹽鐵敏桓寬萍來江漢皆成實松
出峨嵋自鬱盤東閣偶吟何水部南朝同弔孔都官傷心
天地多荆棘揀盡枝棲未易安

徐叔鴻觀察寄來和端午橋中丞游廬山瞻雲寺詩

因步原韻成二首

迭持節鉞六經秋集古歐陽句陸游五夜清談忙塵尾九

重 恩詔拜螭頭吳淞風雨人千里香徑蘼蕪路幾周聞
說廬山有栖託共將修道勗楊收 北夢瑣言唐楊收廬山
修業遇道者謂子若學
道即有仙分仕宦至卿相終 有禍收謝絕之竟殛南荒

五月江城氣似秋恰如興縣記南游明誠金石成新錄江
總功名重黑頭碑閱滄桑存漢晉 中丞存古刻
石千餘種 鼎從郡國

辨商周 中丞得銅於禁一
上列尊彝十三種 座中未有徐陵熱輕薄何須誠
魏收

趙粹甫先生藏醇賢親王詩札卷公子叔孺太守屬
題

東坡昔與鄧聖求白首玉堂同夜直椽燭高花環鎖鳴尋

三百九十五

梅苦念西山側 上齋公昔侍閒平錢塘先後辭京國 孫

授侍 郎 若若垂腰青綬新戀 闕深情縈冀北一時祖餞盡

珪組青門車馬梭如織僉云會叔行召回元晦帖言在目

拭 南宋馬會叔知福州日朱公元晦守漳州與會叔帖云
榮被召還之命蓋公時召入為太常卿紹熙元年也見

宋金 華集 此時賓客重梁園不詡鄒枚師契稷賢王四韻句先

成硬語盤空餘籍湜風雨同寮十二人各染簪毫寫胸臆

熹昔試郡去陳州吳興兩卷曾濡墨 已卯出都王以松雪
九馬圖仲穆射虎圖

兩卷 前年游宦到三山側聞公子述先德玉藻金題沐手

開瑤情綺思從頭憶蘇鄧遺蹤不可攀應劉已往苔塵蝕

抱殘守缺共珍重壽如金石臣能刻 太守工
鐵筆

奉和陸梧山觀察湖山話別原韻卽題畫冊

定交猶在黑頭年流水桃花境渺然元白曾聯唐代社包
歐同踵宋時賢公署開封子嗣調任子署開歸道公旋簡放秦淮六代人千里
丙申秋子簡江安乃去豫鴻雁三秋夢一天多少梁園舊賓客感懷滄
海與桑田

烽煙滿地路無生躑躅麻鞵爾足行庚子奔赴行在百二山河西

嶽鎮八千子弟朔方兵峭函路阻秦關險風雨人過灞上

營猶憶青門親餞別一卮慙媿醉無名公時家居西安

之江督漕主恩深多繡重伸報國心歌舞湖山猶畫

宋日霞世界說從金中興瑞應收蕭照遺事書篇補武林

四百六十六

轉運更兼陳臬任雪冤瓶并費推尋

五角無端又六張去留蹤跡自衡量無如臣疾河魚抱辜

負君恩雨露長杜曲鶯花歸盼早孤山梅鶴夢難忘豈

惟冠蓋羣僚悵一路衢歌繞道場

題錢塘丁松存著書圖卷

國朝四庫立七閣聖因寺榜題文瀾軍興揚鎮盡灰劫西

湖書亦遭叢殘高人獨勵守闕志搜求餘燹忘朝餐官書

僅存三之一徧鈔善本裝緝紈頓還舊觀萃往哲著書人

慰歌刀環我昔聞風起愛慕望而不見徒蹒跚吳淞煙雨

正閉戶翩然有客敲門銀解裝堆贈書滿架爲言皆是先

人刊我聞先生籌善舉三十六年事未殫兩番綽楔荷
御筆重之不異金千緞東南藏書數最富范楊瞿陸難抗
顏勦勘既精著尤富昕宵不使丹黃閑沈生作圖傳此意
鴻題屈宋皆衙官我亦耽書攷版本對此能不慙單寒他
時得放西泠棹登樓何異窺仙竇聊歌長句作左券蠹魚
食字緣非怪

六月送岷女柩由輪船回南皮

送汝還鄉撫汝棺海天萬里但波瀾明知一暝原無覺不
忍將兒當死看

歸附松楸先世墳合家哭送不堪聞車中應尙憐耶熱又

三百七十四

向天閭顛片雲

時有輕陰相送

和徐叔鴻廉訪解組還湘留別原韻

共事清溪水一涯四年離索感韶華行蹤直比溪萍活氣
味真無累黍差邀笛步臨桃葉渡勝棋樓是莫愁家回頭
舊雨都陳跡夢影恒河沒數沙

移住淮南最上游慎刑懷抱鎮悠悠沈寃不許埋三載雪
獄真能出九幽去路梅花忠節墓比鄰燕子美人樓毅然
拂袖還初服海客無心可狎鷗

猿鶴遙慙怨故山主恩猶戀鳥銜環當年舊雨今餘幾
出岫孤雲尙未還吳苑蟲沙非境外麻姑桑海在人間觸

藩羸角羝羊苦相對高蹤祇厚顏

夢穩秋帆五夜餘君同蘭蕙我昔蘧詩詞藻采傳三變露
電光陰感六如海上孤鴻時有顧衡陽歸雁莫無書梅妻
鶴子神仙眷羨煞林逋月一鋤

寒夜淪茗

白銀匊葉白瓷甌自注新茶花乳浮暫慨靈根洗塵壻風
生一十二重樓

蒞倉場任初登壩樓奉懷滬上同好

萬里滄溟一葉過覲 光又問夜如何傷心潞水前塵在

子督糧 回首吳淞舊雨多隔岸樹團朝日時拂墻柳蘸大
三屆

三百四十七

通波近情可慰雞鳴侶笨伯車中病骨瘥

丙午四月過武昌重題碩甫張孟晉畫卷

回首梁園十七年前因後果事依然裝成雙卷牛腰鉅粉
墨如聯隔世緣

春水船山兩後身與君月影我三人世閒靈淑無多許祇
准奇才作轉輪

丙午三月十八日赴倉場侍郎任二十二日奉 命

署江西巡撫四月抵任紀 恩述德敬成三律

京兆剛剛五日留江湖襟帶又洪州並無兄弟能聯榻猶
憶高會侍此樓 先恭定公乾隆 丙戌任贛撫 纔走軺車五陵道難尋碑

石百花洲 訪恭定公教思碑已剝蝕難辨 摩挲九老香山杖 賜杖一方一圓供奉家

祠 七十來孫亦白頭

遺澤源流萬載長 先七世祖少參公康熙朝令萬載值吳逆之變盡心戰守奉旨有忠貞可嘉

之諭刻存廳事萬載士民感戴建祠奉祀並建講堂捐祭田至今不廢 當年拒逆挽瀾狂講

堂禋祀民懷永楔榜忠貞 御語香敢說于公興駟馬真

如朱邑葬桐鄉 天恩不負循良吏兩遣兒孫撫豫章

先人六載守梅花 先君子守南安六年廐署建昌臨江南昌 庾嶺梅花宛似家

東郡趨庭如往日西山捲雨對飛霞難填精衛弭天石涉

盡恒河閱世沙回首松楸未歸埽卅年無日不天涯

重陽園中小坐

四百一十一

開窗問月小亭空幾樹喬柯蔭院中落日忽推牆影上半
層縹綠半層紅

送柯鳳孫侍讀以觀察提學貴州

九華春殿 詔新除峒犵溪蠻向化初五代搜羅成秘史

君仿胡劉例註元史將成 千秋典重續黔書無慚海岱專門學重歷沅

湘舊日途體用定符 丹陛旨行看滿志意躊躇

幼時曾識此山河銅鼓飛雲屐齒多省會肇開明永樂 明初

始定 版輿分畫漢牂牁六千里外輶軒語二十年前翰苑

科騎象簪花傳未谷長安較近莫蹉跎

九月二十七日亾室陳夫人生忌 陳夫人歿于戊戌十月時予于役轉

輸僅哭以二十五聯題曰秋點餘悲今日又九年矣
 展祭傷懷并附二十五聯於下文定在長安兩家
 金石絲蘿昔日朱陳圖嫁娶于歸來古棣甘載糟糠
 補綻從前梁孟遂艱難 母家調鼎夫族開藩世胄
 清華翟服僅成含殮禮我為門楣兒營菽水初衷應
 體諒牛衣原矢讓財心 如君寬忍慈和儻天道有
 知定為三雛留後步柰我馳驅鞅掌念國恩未報方
 辭五馬便生離 挾貴本無驕因未逮翁姑如父事
 兄母事嫂戒奢由夙習百偶忘樸素以勤持已儉持
 家 拔釵搜篋亦何嫌夫郡守子賢書簡素一生無
 象服尹姑莊妹原有範父登瀛祖相國清華三代重
 鸞臺 三千劫沙散灰沈造此因緣到底是真還是
 幻五百艘連檣接尾載將夫婿遂教經歲又經年
 十八載兩郡官齋那得清香凝燕寢九重恩連年轉
 漕更從泛宅感鸞飄 撫甥緣敬姊愛姪為承兄身
 去心留官置家庭成度度外女願緩婚期兒因罷科舉
 火傳薪盡可知仁孝本天生 母歿父歸林顧我無
 家難一例女行兒又宦最誰抱恨彼三人 誰可九
 原依雙親一子我生孤雁感片影重雲 父母相繼
 云亾兄嫂相繼云亾夫婦總齊眉我去泉臺應有日

姊妹人言無閒娣姒人言無閒規型猶在口君因家
 室苦縈心 一官羈况五處鄉心僅餘守硯衙齋遠
 道莫隨三乳燕輪舶重洋柴車雪夜祇賸撫棺寄寓
 臨終未決兩孤雛 屋瓦正霜寒遠涉江湖來夢別
 紙錢忽颺舉同歸泉壤果何時 損君綠碧青絲匱
 物俱空信德曜千秋同躅媿我詩書畫手綫長莫就
 傷黔婁百事皆乖 左臂為誰剗猶時時自撫殘骸
 舌強莫通疴癢苦中懷難我喻願世世補完缺陷心
 傷忍說去來因 小雪病大雪沈重擔一人肩方劑
 為難兒可諒仲自南季自北宦途三處隔官場久戀
 我無詞 莫謂九原孤定省罷父母翁姑且鄰下摩
 挈如雪雲兒今廿七計纔連歲別奔走在長檣鐵鹿
 忽夢中驚痛歸程水驛甫三千 默若口銜碑三十
 年痼疾纏綿石不能言心更苦病成身在榻二千里
 關河迢遞月今一缺影難圓 十年孝養此成空最
 難忘山路奉輿風檐忍餓百歲光陰原一瞬向要辦
 長途雞跣佳壤牛眼 一歲百兩書無書非詳食詳
 眠從此夜台斷音信幾程三竺路是路果不生不滅
 願依淨土證菩提 噩耗電傳音已滿眼麻衣翦燭
 猶開言病信沈疴醫束手祝回頭蓮果乘雲莫過望

夫山 病狀忍重思 婦滌厠 兒捧藥 遺徽難再見
媪懷慈惠 婢銜恩 手足久凋零 每言昭史 夔礎憐
此神情如隔世 婦姑依性命 不止談茶奉盃 猶加體
郵到彌留 逝水似流年 纔聞電耗 倉皇七日 光陰
箭筈速 初八首七是 顛風剛斷渡 莫問雲駟消息 一
江波浪塔鈴寒 黃泉碧落兩茫茫 知携手同行 並
無其事 白馬素車 空擾擾 歎我躬不閱 恤後奚遑

海秋丈有千詩 債我媿多年 一字無二十五聲 秋點在一
回展讀一嗟吁

十月十七日入值遇雪

朝天曉騎粲成行 共喜祥雲溥 帝疆萬瓦雕瓊 三殿迴
雙輪碾玉 九衢長宮雲樓雪 皆銀界苑柳庭槐 盡粉妝
下 狡狴能耐冷 高披絮帽衛紅牆

六百二十九

對兒來信言與幽兒相睽者五年有思念之意因代

演爲詩

寂寂復寂寂 雁羽何聯翩 自我與汝別 於今經五年 羊城
瘴厲地 夢魂時縈牽 丙午換新歲 嚴親蒙內遷 途經申舊
治竹馬 迎歡然 仲兄由浙來 家若月團圓 獨弟隔嶺嶠 椒
酒難同筵 今歲父與兄 薦歲燕台邊 題彼我脊 合豫粵牀
難連卓 異弟上考行 見來朝天徑 涂在所經 望汝先著鞭
既紓老父念 亦慰兄隨肩 吾母棄三雛 忽已十秋前 阿妹
孝且順 滬上中道捐 白雲在親舍 道遠胡綿綿 各篤骨肉
恩 寄汝晨風篇

送陳筱石制軍入川先請假歸里省墓

風雲際會舜堯年，眷顧恩深重鎮邊。
行看黃麻宣北闕，先教紅旆向西川。
牂牁江上還鄉錦，宣武坊南餞別筵。
遙計韶光好三月，畫橈春水鷓鴣天。

庚年浩劫換紅羊，留守神京赤緊疆。
撫豫有書傳雪苑，淫祠無祀頌金閭。
君臣一德堪千古，兄弟雙難喻二方。
最是不忘淮上事，記持手版傍門牆。

從來知己勝銜恩，聲價荊州此日門。
潔操無慙清獻鶴，憐才下逮景升豚。
對兒蒙公薦剡眼前雪柳新行役，心裏雲巖舊夢痕。
碩輔預賡鴻渚句，再迎節鉞過黃村。

三百七十八

雙狸

一狸賦三色，呼為玳瑁皮。一狸曰烏雲，黑白分離離。
三色被緊毛，犬如俄羅斯。黑質白章者，猱似西洋獅。
飽食不執鼠，捕逐相憨嬉。伏學蛇蟄窟，踔若猿騰枝。
臨穴儼鬪虎，凌窘將搏犀。追逐在匡牀，迅作平原馳。
飛騰落几案，譬若憑嶮巖。勝占監腦夢，敗甘曳尾龜。
興盡各尋卧，心早成希夷。一茵互枕藉，各自和天倪。
吾徒宦海中，冰炭交相危。袍澤心省括冠帶，胸交鉞誰能。
衷坦然彼此無猜疑，一秤罷黑白何處存成虧。
靜觀時有悟，藉病聊遣詞。情意不可棄，寫作雙狸詩。

石蓮閣詩卷六
丁未除夕

過隙駒光七十年雪霜贏得上華顛孫欣抱子堪兄後兒
冑休官在父先書籍價高難入手車輪磨熱未曾懸君
門僂僕羞慙甚又沐新恩紫禁鞭

四月八日 上賞浴佛緣豆敬以供母

老母當年拜佛時炷香捧貝立相隨傷心五十三年後又
奉新恩奠一卮

賀陳筱石制軍移督兩湖

皇輿縮轂在長江慎選名臣鎮大邦北闕重頒丹鳳詔
西川改指碧油幢好栽漢樹加培植早築方城默受降商

三百四十七

戰湖塢標特幟國家本不建封椿

遞到詩筒漢壽亭

公詩自辰州寄

山川重疊我曾經雪消自掃松

楸地雲霽先明台鼎星大府旌旗迎鄂渚鮮民霜露在黔

靈

公先請假修墓

更傳盛事天倫樂原上春風慰鶴鴿

贈樊介軒同年

向曉驅車人海叢于祠遠寓禁城東助猷鄉哲郁離子文
字家傳魁紀公餉我一甌春茗綠遲君雙翦蠟燈紅何當

笠澤逢秋爽同納闌前鬪鴨風

時陸春江中丞同寓

六月十八日宿小廡值廬善化相國舊業也書懷誌

感

淒淒秋草憶湘江認墨惟存燕一雙碧瑩荷花疑北淀玉
泉塔影在西窗往時衰闕稱能補此日詩城號受降遺愛
廬猶標亦愛土花漸見蝕金釭

汴垣答客

騶從沿街散拜箋守開已隔十三年故人舊宅皆新主一
睹門庭一惘然

題錢仲仙大令熹平三年鏡

拓得精瑩月一丸尙方製造出工官炎劉銅鏡無多許壓

倒初平與建安

會見初平五年建安
十年兩鏡均在此後

範合從來漢代優熹平年代紀三秋耿勛婁壽堪同賞最

三百四十五

惜模糊項伯修

熹平三年祇婁壽耿勛二碑韓勅碑陰有
是年項伯修字今已磨翳舊拓方能辨之

筱石制軍電傳賀詩依韻電和

錦字重勞雁足傳規隨趨步繼從前江城俯唱梅花箋京
國剛逢桂蕊天好養新知培舊學願從渾樸謝雕鐫兩河
竹馬應相識作守曾經十八年

寄星謀

聞說新齋闢小園一詩遙寄當寒暄黃綿好納南檐日綠
螳應開北海尊淪茗藤陰懷對宇宜春楊葉隔重門宣南
我有三椽屋辜負嚴冬斗室溫

南皮定興兩相國約同陸鳳石尙書張振卿總憲丁

遜卿制軍與予作六老之會于香山亦愛廬

陸尙書丁制軍

尙未七十引香山九老秘書監狄兼謨河南尹盧貞與會之例洛陽耆英會溫公未七十援狄兼謨之例

亦與焉陸尙書寄書來豫卽步原韻

共築詩城敢敗盟天心原重晚來晴究輸種放真閑逸敢說嵇康不世情此日煙村依蹕路前途柳雪迫王程回頭十八年中事贏得兒童竹馬迎

纔從燕市訂鷗盟又向梁園課雨晴灑灑堆輪時路險石尤風遜故人情兩河作守慚歐九五色臚雲頌李程風雨重陽逢再展東籬黃菊喜相迎

聞對兒由江安糧道委署兩淮鹽運使寄以勉之

四百零一簡

龜勉期承祖德難世臣喬木 國恩寬父權總制兒都轉

忝補先人未歷官

題林康甫中翰游西山圖

田盤曾共看煙鬢又踏居庸最上關從此身居人海裏未

會晴雪訪西山

包山已作黃壚客子久猶同雪苑舟燕市悲歌姜白石聊

將讀畫補前游

陸子英黃小宋姜穎生均有圖

輓朱竹石廉訪

數仞蕉聲館先人奉瓣香十年同宦短三世論交長廣座千人石扁舟七里塘清游都爲我此意最難忘

江左談經濟胸眞富網羅明刑寃獄少權算濟時多教用
臯陶弼微無劉晏苛病中驚坐起生死隔山河

輓直督楊文敬公

領袖諸行省褒崇禮數殊論交眞血性阻跡總江湖鈴咽
僧伽塔星沈丁字沾哭公兩行淚能否到黃壚
未聞傳木稼忽已痛山頽莫贖秦三子空歌杜八哀勛名
媿韓范詞賦儷鄒枚正好掄新政中流失此才
潢池曾鼎沸攬轡意全澄投筆班生壯和戎魏絳能
宸頒賻襚丹辰失擬丞儆戒終身凜榮名稱美稱
東人刊德政岱畎儷秦松清潔滄溟月崇高日觀峯雀風

三百六十八

淒畫斐馬鬣痛遺封父老同聲哭誰追淮泗蹤

盛饑前秋憶紅瑜對酒卮率更猶作楷光祿本能詩躡躡

軒弓涕淒涼社飯悲橋山奉移後半載卽相隨

未識荊州日先曾索我書精神佩龍馬技藝媿蟲魚棠棣
聞雲集芝蘭歎雪裾梁園在天末執紼意難如

久病不瘳預作引年之想

游宦梁園二十年焚香夜夜告青天傳家祖父難繩武觀
政兒孫已比肩驥到老時應伏櫪僧居退院不談禪再尋
洛下耆英會知好長聯翰墨緣

辭巢去燕語誦誦十畝桑陰問柞芟任重其如才薄弱時

石叢閣詩卷六
危難論政寬嚴雁歸衡嶽離罝網牛放桃林解勒銜祇有
觚棱念不得諸公一德望能咸

辛卯渡黃見菜花麥苗絢爛如錦曾記一詩已酉九
月路經鄭州一帶見豆畦菜圃黃綠如雲又紀一詩
相距已十九年矣

菜花會詠大河濱齊麥新苗展碧茵豆葉嬌黃蔬圃綠晚
秋今又似殘春

和何潤夫京兆見懷原韻

君鄰積水傍深潭我向龍門近禹龕辦熱心香詩第一詞
耽眉嫵月初三座閒歌歎嵇中散酒後琵琶康德涵正是

三百五十七

相思無覓處桂花風信到殺函

八月十六日扃闈考試舉貢偶賦

中秋巧值入闈期恰是文場圓滿時往日風檐猶在夢餘
波月魄僅如眉攜將江上中泠水來續坡仙試院詩文舉

幸同臨瑣院佳文嫺作北山移

時孔少霑
爲提學

黃小宋琴鶴歸舟圖

我無荷鍤劉伶士君有沙溪永叔阡不日歸舟同理楫翦
鬢相對又何年

平生三走昆陽道六十年來鬢已霜鬱鬱葱葱恒在望君
家佳氣卧龍岡

石蓮閣詩卷六
題于海帆觀察前身僧相圖

小憩來登不二門歸雲有像故吾存

五蓮山有歸雲和尚小像高南阜題跋昔

游曾見之當年衣鉢傳誰手重接參寥眾法孫

千竿修竹繞高臺令尹當時似手栽悟得前身是明月無

妨食肉誦經來

世說前因與後因再來重認舊根塵龍陽易子如相遇請

看風流夢晉身

易仲碩觀察自證爲夢晉後身會兩題其卷

眼前卽是會無遮幻出官身作在家昨日偕君猶一飽穿

籬菜與水梭花

戊申九月九日 陸辭蒙 兩宮賜重陽糕四合分

資兒孫兼饋戚儻舉家榮幸出京逾月卽迭遭 國

戚疆圉效職九日又重追慕 舊恩痛成一律

去秋請 訓入 楓宸 輦路猶循太液濱波繞芙蓉

西苑殿糕傳萸菊 上方珍明年社飯悲 慈馭此日

軒弓痛遠臣官舍又逢重九節一思 恩遇一傷神

孔烈婦潘孺人詩

提學使孔公少霑子君恕之配仰藥殉夫距夫亡七日

連理樹殘月驚墜合歡花落霜摧地燕蘭寶桂五枝榮文

梓承喬一先萎蔦蘿弱秉女貞姿白露零葭瓊玉瘞從來

鄒魯詩禮鄉一夕梁園同墮淚文宗公子出聖苗馬糞諸

王標濁世威鳳神羊露頭角黑鷹黃犢稱奇異芝蘭玉樹

萃階庭一旦天胡不憇遺神清叔寶竟彌留堂上椿蔭嗟
侘僚烈婦河陽侍種花兩載結禱事夫壻澣衣鎮靜託歸
寧言將同返昌平第佯將歡笑慰重慈古井無波心已誓
高堂奉養有伯叔膝下牽連無幼穉遂敦靡筭貞媛行無
殊嚙齒忠臣志蓼風淒苦梅雨酸高文願得鏤珉翠 至
聖七十三代孫昔守交河殉大義父忠子孝載史宸節烈
一門播名譽吾鄉高士稱董樵有子道廣忽捐棄婦孫氏
女縊以殉漁洋作傳傳其事士夫誦讀數十年對此能無
汗沾袂傷心滄海欲橫流獄色河聲綿不替

先著撰古錄于庚戌三月晦日告成感賦

昔侍嚴親病榻前兩兒跪泣受遺編遷延五十三年後第

四童孫始校鐫

劉念臺禮經考次公未成書公子洵輯之甚勤至洵之子茂林始輯成之事略相仿

南閣吾師

許印林先生

南羽友

丁少山待詔

烽煙保護費精神傷心

父執無人在阮

文達公

葉

東卿先生

吳

荷屋中丞

劉

燕庭方伯

何

子貞先生

年壽卿丈陳外舅

題朱曼伯中丞歸舟載石圖

蘆花瑟瑟風蕭蕭雁沙櫓唱孤舟搖五十年來涉宦海歸
裝片石留輕舫寶應中丞不世傑家傳經術人英豪天下
之平在廷尉秋官試吏珥喧呶一麾出守洛陽郡樂詞十
二傳歌謠

長吉河南府試有十二月樂詞

汝南久持繡衣斧兩河南北均

牽菱提刑皖粵栢節著承宣陝豫棠陰饒中州節鉞荷
恩命媿我來作蕭後曹歲憶疆圉大淵獻黃河奪溜開楊
橋堵築帑籌一千萬振撫漕轉三千艘公於其閒苦裁制
督工節餉心神勞至今順軌二十載榮光迭出無驚濤預
爲功成計身退蒲帆暝渚程匪遙鬱林雙峯隔離桂皴雲
一朵來廣交水風浦雲指前路菱絲菰米縈歸橈惟抱濡
墨米顛硯不矜宮錦青蓮袍賤子蒙 恩解職去梁園舊
雨多同僚行當隨海入煙霧回首猶見嵩雲高

開缺北歸留別梁園寅僚紳庶

兩年雪苑慶彈冠無定雲萍事渺漫三月鶯花方郭杜一

四百四十一

庭氣味別芝蘭幸無爛額焦頭苦

戊申冬教匪潛伏省城謀亂陸軍中亦有其黨

幸將爲首之趙文慶密爲收服及往約縱火起事遂藉以爲綫將于化龍等一夕成禽否則將有皖粵之變 共

結披肝瀝膽歡贏得一番愉快在居然魚壳壽清端

悍匪張黑

子劫掠多年逋逃未獲予入境卽懸二千五百金重賞督各營嚴緝爲署河北謝鎮所獲斃之董萬川屈五妮楊福成各著首亦以次就獲正法

九重 聖主澤如天豐草長林在眼前始願竟諧初服志

道心莫損已殘年堆經灑瀨皆平坦路過邯鄲免醉眠從

此愈輕符竹累 昇平政策仗羣賢

紫鳳丹書下 九霄疎慵解鎮聽逍遙七旬已過懸車歲

卅載難忘作郡朝 子以庚辰守陳庚戌去豫 敢謂思人猶愛樹 丁亥捍鄭州水

災於陳州修築城堤圍二十八里均為植從知有竹不彈
柳項城王生天經曾觀樹長成爲之作記
蕉子官豫二十年京外豫紳未有閒言挂冠夢穩扶輪去 天闕雲中望斗

杓

關懷事事費商量鄭重臨歧話別腸鐵富六州休鑄錯擬

修武鳳凰嶺鐵礦外交糾葛極費籌措河防三伏忌更張難平雀鼠爭牙角

關念昕宵爲雨暘試看迎車迭甘澍時寶湘石中丞將至豫疆今歲

卜豐穰

霜葉辭柯返舊林汪情潭水兩同深只知抗疏爭權利於

公司礦煤事不悅於政府違向同儕戀盍簪今日數行知已淚來朝干

里故人心相期皓首崇明德遙寄天風海上琴

四百八十一

石蓮閣詩卷六終

十五箇

以美成淮海爲宮室故居尊而深以白石碧山爲苑囿故
境窈而曲若琢句精妍運典博瞻則詞才詞學並擅勝場
他人已足名家此集猶爲餘事石蓮丈年及八旬世逢百
六而激楚語必出之以蘇雅衰颯語必出之以沈雄此則
曾襟福澤胥於此規之迥非寒瘦詞人所能跂及已癸丑
嘉平十二日義州李葆恂敬識

嘉平十二日壽辰李蘇神姑
會舞歌聲曾飲此賜之醴非羨與隨人視折翅又日發其
六五
醉人日臥吞春乳藥醉欲給事不數夫平及八會世數百
對發西曲
良美如新到宮室好風尊而將以日不發山風天國

一百二十七

十二萬年劫不壞是金仙人間今日何世暝色赴虞淵
有隨身鐵笛且趁波平月上吹醒洞龍眼寂寞與誰語招
手古成連 兀兀醉昏昏睡儘狂顛蓬萊方丈何處縹緲
此心懸公自餐風飲露我尙找泥帶水愁話向鷗邊回首
滄浪畔春夢裊蘿煙

末二句湖庚子三月奉教之始

懌公示讀石蓮閣詞集學填請正甲寅閏月長洲章鉅

對公示前不數圖時與學與輔玉甲寅國良是將章
前兩行春蓮集蘇軾三民卷之二故
此心懸公自登風淪露拜尚姓列帶水慈請向編數回首
千古奴奴之仄仄相習習翻盡玉醜蘇萊式大可亂難
百韻長難留且欲遊平民土知願歸歸知寐與前
十二萬年賦不盡其金山人間今日何計何計何計何計

一百三十三

石蓮閣詞

海豐吳重熹仲懌

百字令 丁卯

出都有日而道涂水阻擬舍車而舟晚過伯英案
頭見季聞先生和泉視老人詞二闕燈下無聊率
爾步韻用抒懷抱即當驪歌

秋光如許更先知秋冷瘦人應是清減沈郎腰一搦可與
黃花相似枕上家山燈前鄉樹夢阻盈盈水歸期莫卜尊
鱸興隔千里從此滾滾塵紅茫茫路黑歧逕迷楊子愛
賦劉安招隱句只恐壯心難已一夜西風滿湖木葉此際

涼波起懷人天末扁舟我欲歸矣

知音難覓歎茫茫人海我聞如是擊筑悲歌燕市酒道是
漸離不似方幸春明常聯舊雨又逐東流水風帆瞬息閒
愁滿載歸里 幾日僧舍聯吟江亭買醉邂逅吾同子莫
謂當時梅尉賤仕隱塵寰而已吳市吹簫齊門彈鋏酒引
牢騷起杯盤狼藉離魂黯黯銷矣

滿江紅

感舊

偶夢前游滿座上淒淒切切纔幾日釵光釧影鬢雲肌雪
淺碧窗兒梧葉雨深紅簾子梨花月憑誰將舊境翦分開

三百二十一

并州鐵 蠶已死絲難絕麝已盡香難滅歎愁生兒女癡
心空熱南國年華桃葉妹西風捐棄靡蕪妾把將來歸宿
較而今爲悲咽

惜餘春慢

落葉

霜葉辭柯愁人羈旅同是一般飄蕩槐疎夢斷柳減眉凋
偏入客窗虛幌莫是醒了西風有意覺人故來淒響算幾
番憑弔柳粟一條芒鞋五緗 還憶我十載燕齊高下隨
風畫出浮沈形像馬蹏踏碎鹿砦堆殘雞肋生涯相仿已
分飄流似伊衰草亂蛩幽淒同賞任憑他代嬾東君重把

新陰滋長

貂裘換酒

別意

淚濺離筵酒正西風蕭蕭易水量愁計斗敢向身軀悲骭
髒甘作風塵下走不如意事多八九世態煙雲多變幻看
白衣轉眼成蒼狗休眷戀莫回首 燕臺幾輩同心友問
當年歸吳張翰會心遠否惟有尊羹鱸膾美對著秋風廝
守休浪說匣中龍吼莫把難平悲缺陷論補天誰是媧皇
手師曠達漆園叟

浪淘沙

三百

瘦影豔於霞幡護鈴遮枉勞蝶陣與蜂衙嫁與東風春不
管負了桃花 風雨又交加轉眼繁華可憐金谷綠珠家
吹得落紅消息斷夢已天涯

齊天樂

牽牛望斷銀河岸禁他一波似練夜夜青天年年白浪留
得佳期如綫春魂零亂縱開遍桃花那尋人面狼藉東風
殘紅空自滿庭院 雲煙至今更幻恁白衣蒼狗須臾萬
變蝶夢未融鷗盟忽背幾日秋風團扇彩雲易散翻輸與
尋常鶯鶯燕燕拚起羅衾把鴛鴦懶看

菩薩蠻

出都日道中

高原十里寒蕪綠平林無數昏鴉宿笑我未歸家可憐紅日斜鳳城回首處往事如煙霧相送只西山蛾眉彎復彎

減字木蘭花 已巳

詠絮題王寺壁

溟濛似雨春色馬頭忙若許莫笑盈盈我比楊花落更輕韶光如駛東風已似東流水任汝飄零會有時兒解化萍

眼兒媚

二百七十三

春風記得態天斜會過箇人家如何重到昔年人面今日桃花紅牆銀漢迢迢遠卽此是天涯猶恨當時無情簾幙多事窗紗

相見歡

垂楊陰裏橋紅乍相逢多謝溝邊流水柳邊風會記得春波綠照驚鴻一霎伯勞飛燕各西東

清平樂

蠻膏素口嬌小思珍偶誤殺徐娘成老醜贏得紅燈綠酒當年花月懽場夢中妝淚千行試問麻姑記否而今又幾滄桑

目挑心與肝膽空相許鶯燕等閑成伴侶甘作花枝無主
榻來繡轂香車陌頭春日將斜斷梗飄蓬何處青衫紅
袖天涯

爲人作嫁壓綫無時暇縱有良媒還自謝浪說綺羅如麝
邯鄲一輩才人可憐厮養相親碧海青天夜夜姮娥不
悔偷奔

桂枝香 庚午

立秋日作

蓼紅蘋白正良夜新秋溽暑初去偏是悲秋秋士與秋先
遇西風似解相違久祇著意颼颼庭樹一番涼月一番清

二百八十八

露一番疎雨 會記得紫萸黃菊我扶病登臺送君行處
幾度流光又聽元蟬哀訴秋來秋去無人管祇不許朱顏
如故登高携酒向天搔首問天不語

喝火令

城東觀荷

十頃蓮花海三篙杜若汀小城東畔偶經行不道連宵快
雨浪壓綠雲平 霞影紅垂蓼風漪碧皺萍如游歷下小
池亭只少沿波幾隊小蜻蛉又少孤煙蔣雨一角佛山青

臨江仙

題顧符稹畫

石蓮閣詩卷一
五
嶺上白雲低貼水滿山風色泠泠東南畫閣有人憑誤疑
茶鼎蒸煙靄袖邊生 隔著鄰鄰溪百尺丹崖翠巘如屏
一川鱗甲起秋聲峯巒連復斷天外補遙青
喝火令

前題

山色青於茜溪光碧若羅誰家水榭瞰清波試問嚴陵風
景較此果如何 遠水田千畝平橋雨一簑幾株春樹綠
婆娑記得富春江上畫船過記得畫船窗裏絃索玉人歌
行香子

前題

二百七十九

叢竹蕭蕭拳石嶢嶢向中間結箇團瓢莫因斗米折了吾
腰有三分水二分竹數間茅 風也瀟瀟雨也瀟瀟打梧
桐又滴芭蕉手中一卷倦莫輕拋恐鶴無言童欲睡我無
聊

好事近

前題

木落曉霜清萬壑千巖突兀彷彿萸糕菊酒是重陽景物
有人携杖上高臺長嘯胸空濶目斷寥天盡處插遠青
數笏

清平樂

前題

漁梁渡口霜氣濃如酒昨夜秋江風力陡紅徧萬枝鷓鴣
江頭何處漁郎釣磯一網空張浩島汀鳧渚淒涼蟹
舍漁莊

南樓令

前題

霜雪者般嚴茅齋鎮下簾牘庭前老樹慘慘嵌就玻璃窗
最好留一扇放銀蟾 鑪火有人添柴扉少客探知寒窗
定與雞談驗取瓶中梅放否春有信蕊中含

柳梢青

二百四十二

前題

青松誰種居然補得青山無縫松杪雲流松根泉語一般
幽弄 欲尋上界名藍度我有長橋幾空百八鐘聲忽然
吹落天風相送

眼兒媚

前題

山如碧玉水如藍高士結茅菴斷崖乍劈危亭欲墜好駐
游驂 長江一綫吞天遠雲影淡相涵半空殘照一行疎
雁數點風帆

醉花陰

前題

巖下清泉巖上瀑昨夜東風峭莫去倚闌干春雨濛濛杏
蕊紅初開 門前卽是江南道歸去先生報石磴板橋東
百尺元龍可許人輕造

醉太平

前題

龍盤一株鳳翔一株離奇偃蹇扶疎是秦朝大夫 秋山
影孤秋江漲初何時一葉徐徐夢扁舟五湖

桂枝香

有贈

酒帘青窄憶起鳳橋頭新館初闢偏是沾泥柳絮遭逢淪
客天涯無數傷心淚只應來綠窗偷滴大明湖上鵲華橋
畔重到何日 閒話起東封舊事正烹茗挑燈歷數游跡
知我行蹤曾到箇人鄉國天門日觀參差遠恨當時獨踏
山色他鄉萍梗年華錦瑟一般相惜

水調歌頭

雪夜同祐會

黃破梅花萼香透小窗前一天如許風雪迸作此宵寒我
有袁安高枕裹著杜陵布被放膽且酣眠不管柴門外埋
卻徑漫漫 鳥飛絕人蹤滅萬千山已知此際歸夢行路

也應難且把花莖雙瓊趁向樽鑪石鈿分擘小龍團與子
共斟酌愁緒且從艾

百字令

寄梅臣

殘年都去聽聲聲爆竹催將春至風雪家山千里外難寄
長相思字司命無情金尊儘倒不共愁人醉故人何處天
涯應念留滯 記得荔館尋秋滄浪坐雨轉眼成前事風
雨滿城重九日造榜淒涼天氣秋葉無聲春花有影已分
同飄墜紅箋塗徧同腸九折難寄

滿江紅 辛未

三百二十四

辛未春闈題號舍壁

角逐名場果有此坎珂無有但賸得十年前事不堪回首
綠髻游蹤王粲已白頭郎署馮唐後笑泥金一紙本尋常
難消受 黃塵世休開口青燈夜空叉手偏人生失意十
多八九露電流光駒過隙煙雲幻境衣成狗問可能此日
劍鉞紅冲牛斗

賀新涼

題袁尙統歲朝圖爲李枚卿比部

環誦題圖句正紀年屠維掩茂我生初度卅四光陰浮雲
過消得春聲無數那更有童心如故爆竹階前轟若市任

黃梁爛熟豈難足渾忘矣歲云暮晨星老輩今何處愛
香爐流傳一卷斷縑零素風雪宜南三椽屋幾日霜寒冰
冱卻怎把殘年勒住臘鼓已催韶信至伴回黃轉綠中庭
樹焚尾酒先分付

蝶戀花 壬申

鎮日茫茫無意緒豔煞韶光客裏匆匆度莫道相思無著
處夢魂日日天涯去濕了清明風雨妬花事關心開到
櫻桃暮枉種垂楊千萬樹不會關住春歸路
滿江紅 此詞在蘇軾詩集卷十中前事不與同首
慶雲劉氏婦同生紀事代星謀

三百二十三

誰釀跳梁使弱息都罹浩劫早已分死人香裏長埋枯骨
白刃截開兒女淚紅閨濺盡英雄血痛女貞一木本難支
甘摧折雲屯馬奔如沸雷轟礮聲如接是誰向黃沙白
草返魂偏熬烽火無情琅玉險干戈有縫菴菴活把團團
八口抵馨香同垂節

滿江紅

題胥菱塘印冊

石破天驚看老筆真堪屈鐵笑世上山農一派雲腴爭割
匣裏丹砂留雪印櫝中白玉如泥切把雕龍手技且雕蟲
真奇絕墨落處金能截錐畫後瓊飛屑歎及鋒小試指

頭生活放眼不窺秦漢下捉刀果在英雄列更別將刻楮
出靈心鑄桃核菱塘能以桃核製印

滿江紅 丙戌

題張雲籙大令冬夜扞菽畫冊

燈火礮樓已早上重門管鑰趁此際六街如水一鞭先著
馬滑霜濃歸路遠鷄鳴月落征裘薄比昔日磨盾作軍書
情何若 千睥睨夷門郭幾屈曲金梁腳一任我紅衫烏
帽據鞍踴躍鷓鴣刀橫隨從隊蝦蟆更緊嚴城柝庶萬戶
安枕駐華胥春臺樂宋稗類鈔京師東華門外景明坊有酒樓人謂之礮樓或以為樓主之姓非也本商賈礮於此後為酒樓本名礮樓

三百六十九

滿江紅 丙申

為李子文石題宋賈文元公牙牌詞刻拓本鷺湖
華氏于丁酉年得於臨安畫圖徵詩裝成小冊

蒸栗伴黃喜入握珮環滑笏誰拾向臨安郡裏鳳凰山麓
銅說上林鑄鹿角金從江北懸鸚足合配他一闕荔枝香
新填曲 傳神拓煤為馥鏤心句毫為禿似摩挲銅狄流
連往復南渡曾隨遷國駕西湖久伴沈沙鏃六十年圖畫
又重題貂難續

賀新涼 丁酉

題徐積餘太守所藏淵雅夫婦合璧書前後赤壁

賦卷用易碩甫觀察原調

雙管看齊落展縹緗珠聯璧合籤標健藥天使明誠清照
後又見同心並萼揮洒到橫江孤鶴磨短麝煤殘鼠尾五
百年閨閣無茲樂好愛惜簪花格 題襟敘爲楞伽作儘
徜徉筆牀硯匣蘆簾紙閣子可傳經妻寫韻清福人間不
薄賢太守倡隨相若重認文通鷗舫字 劍霞題首古今人合不
煩繩削蠅附驥墨重著

賀新涼

己亥臘日秣陵別秦伯虞同年

又向楓橋去輪指算春鴻秋雁匆匆三度六十行年忙中

三百三十一

過敢信重來如故悵此別也應有數江上青山山外雪長
征人認我經時路津鼓發舟何處 秣陵舊雨殘星曙謂
明年後湖涼夏呼船重晤萬頃荷花連天葉飽取碧筍清
露把茗事隨緣分付此願難償償亦易倩流鶯爲我啼春
住爭握手離懷絮

一萼紅

庚子二月

叔問以和石帚詞相贈步韻奉答卽題其沽詞小

卷

閣輕陰算春如過翼白髮不勝簪雪散梁園雲迷津樹多
少鷗夢浮沈况方唱風波難定枝揀盡何處穩棲禽我附

輕舸君乘片席江上重臨 何意屨廊香徑又梗飄萍合
再訂同心玉蕊寒梅天香叢桂林屋許與追尋負初服朝
衫未脫五湖游拋擲抵千金他日買山同歸潭水非深

前調

叔問再疊前韻見示又賦

惜光陰已殘年炳燭辭老欲抽簪豪縱都非繁華夢覺前
事雨散星沈古人苦揚州閉置隨飲啄來去讓春禽海國
潮荒武陵源幻難冀身臨 姑且與君排遣歇連番打疊
彭澤歸心子美亭高雲林石瘦良友聊共追尋倘過了花
番廿四且枇杷樹底摘丸金行看門庭綠陰幾許深深

三百五十八

漢宮春

舟中寄叔問

宦海浮沈過流年三十未覺黃梁男婚女嫁粗了猶自悽
惶青山覲面問何時歸願方償安能够新來家報添成木
峪山莊荔裳先生事惟有西堪舊雨肯收颿勸我早去江鄉
仕途風波甚惡危險難防煙簑雨笠何須計窮巷苔荒舍
笑答承君指點從今勘破炎涼

滿江紅

午日舟中書感

江水東來正艾綠榴紅時節拴一幅蒲帆安穩津頭鼓發

五日龍舟瓜步水二分蛾樣揚州月苦奔波六十又三年
從誰說 棠棣樹中年折槽糠偶老年絕有多少黃梁待
煑夢魂仍熱鴻雁一行嗚咽雨鰓魚兩鬢鬚雪爲何人
揮洒向平蕪盈腔血

念奴嬌

題何梅叟二分明月移聯句圖

夕陽西下正天開霽宇星河耿耿猶憶紅橋排廿四水部
曾教管領簾押雙丁闌陰卍字依樣瓊樓迥尖义正鬪雲
邊推上金餅 雅似蘇子當年承天夜訪苻藻交橫冷幸
遇懷民猶未寢竹柏驚看清影韻選牙牌煙霏茶鼎彷彿

三百二十三

梅花嶺急催詩鉢夜寒半臂當省

八聲甘州

上齟牙脫僅存一枚獨力支脣悶而有作

都呼朋引類獨伊人情深尙堅牢似霜高木落觀撐一柱
山峙單椒想見靈巖鍾乳滴久宛垂條障礙有時去去更
無聊 未喫紅綾餅餡笑殘牙老口難肆貪饕效龍鬚拔
去殊遜太眞豪將無如東山賭墅罷殘碁屐折觸嶠嶢莫
學彼衰年作戲孺子牛嘲

滿江紅

寄懷小帆表弟時在涑水

天際輕陰忽不料西風吹散無定處涑河北泚丁沽西畔
世事已成滄海劫行蹤略似浮雲片問可能出岫復還山
如初願 前塵夢筆絃斷別後想車輪轉祝仍教來去春
鴻秋燕蕭瑟難聯鷗鷺侶聲華久鄙麒麟楨忽匆匆兩月
過駒光離弦箭

滿江紅

七夕立秋贈臯翁

七夕新秋無一葉梧桐飄落君與我蓬萍依樣天涯海角
撫序已成離筭箭賦詩那有臨江槩但相期憔悴瘦西風
求靈藥 傳千古填河鵲再幾日橫江鶴正好試螢流扇

三百一十三

小蟬疎紗薄夢月金梁成已往悲歌燕市難如昨願青霜
白露早殲除吹飛蘂

一萼紅

悱菴書來極言崇效牡丹之勝予自人日後卧病
殘春易過長夏又更轉眼新秋支離益甚遙憶故
人京華盛賞時移物換感歎成篇

憶春城牡丹花謝了紅紫正相爭北勝方矜南強又詡蝸
角各鬪崢嶸薰琴轉鶯蟬遞嬗條昨宵涼樹見流螢如海
花光玉仙洪福都付飄蕭 傷我殘枝斷梗念沈香亭北
幻夢全醒水皺池塘階堆梧葉忍言何事干卿轉眼便黃

花爛漫竹簾捲人瘦減風情安得遙從坡仙水調重慶

水調歌頭

秋殘冬至與鳧老同寄沾上撫時對景偶成此闕
萍老枯根在風約小池塘暮天如此搖落朔雁莫南翔安
排青熒燈火對我紙窗竹屋百四十年長諸史滿前列與
語不淒涼五句皆用坡語頭早白人老矣病支牀浮雲天際舒
卷差勝利名場羅氏鶴林玉露孫氏藤陰雜記時草兩三
行富貴本泥土佛印語不易此徜徉

無悶

詠萬紅友鳳硯 硯爲大西洞石琢製精雅鳳味

銜硯池翼尾覆硯背右畔題欸曰來從丹穴聖世
之祥五彩咸備丕煥文章康熙丁卯上元萬樹紅
友又日文躍如鳳天門之邳紅友硯竹君用乾隆
丙子七月七日銘統五十一字製者爲詞伯用者
爲經師致足珍矣鳧老於光緒甲午得於京師拓
墨以贈且徵題詞時維癸丑臘月樊山正以無悶
調作催雪詞用堯章韻謂此詞白雪歌曲中不載
推紅友網羅之功故卽用此調以題紅友之硯

人住紅螺村到海王購得鳳紋寶硯是紅友當年填詞染
翰重付竹君學士與詞伯經師周旋慣康熙丁卯乾隆丙

子雙銘同藁 讚歎文窗翫似心太平菴端溪一片才譜
罷蘇辛又箋兩漢我冀附庸風雅願下拜南豐心香辦恨
在手無玉鴉叉寸鐵不持白戰

摸魚兒

李狷厓用稼軒詞意寫斜陽煙柳填詞圖君有慕
辛稼軒之爲人印其向往深矣因用原韻以題其

圖

果孰知幼安懷抱算君領略非少蘭成詞賦石麟筆圖畫
當爲寫照天亦老莫莽說天涯何處無芳草樓當古道對
河冷霜淒西風殘照但見絲絲裊 荒涼景彷彿西溪東

三百六十五

迎同是歸飛倦鳥吾狂恨古無人見且倚危欄醉倒人已
渺今猶念小山亭上殘春好風花易了何當日壽皇目爲
怨語恨付碧天杪

水調歌頭

歐陽潤生八十壽用稼軒慶韓南澗尙書韻

送別滕王閣忽已七年秋許我東絹一匹放筆託韋侯那
意烽煙瀕洞竟爾滄桑換世頓冷昔時游魯殿靈光在椿
壽說莊周 祝君去湖波輒艣枝柔可柰鷗浮蝸寄海上
暗淹留此頌盧鈞八秩再頌潞公九秩笑傲穩南樓兕觥
遙共晉社酒滿金甌

桂枝香

病榻僵卧偶一寄聲緬憶兩宋詞人莫能追步製

清歌對酒問兩宋詞人最誰低首風騷宗主第一是清真

不朽梅溪驂靳羣空矣比李杜白雲石帚東坡赤壁稼軒

北固唾壺碎否有井處皆能歌柳知三變者卿辭原壘

白漱玉無多巾幘誰堪敵手夢窗後盾羣推許最堪傷秦

七黃九宜州城上藤州亭下垂名永久

魯直至宜州無驛亭儼止一僧舍為

寓而適為崇甯萬壽觀法所不許乃居一城樓上未幾而

卒少游南遷久之北歸逗遛于藤州光華亭方醉起以玉

孟汲水笑視而死

三百七十一

氏州第一

題張文襄龍樹院召客七札冊 同治辛未張文

襄與潘文勤師在龍樹院觴客是存文襄七札光

緒庚寅文勤以振務積勞薨於位眷聚南歸縑素

散佚七札為江陰夏閏枝太史所收其圖已亡乃

倩姜頴生補繪裝冊會中選客三十餘人極經商

榷余亦廁名其間適因病未能與會距今四十四

年矣甲寅秋章式之譯部出冊屬題展對之餘如

侍函丈即昔在宣南與張文襄王文敏張松坪太

守評漢碑勘宋槧事亦如過眼煙雲光緒戊申又

與張文襄鹿文端陸鳳石相國張振卿總憲丁遜
卿制軍在淀園作六老之會者亦已十年而半就
凋謝當年與龍樹院之會者僅存壬秋惺吾暨余
三人而已感逝水之流年悵勝游之不再因題此
闕悵觸良深矣

萬柳堂空寺餘夕照益都勝蹟難掩提倡詩騷主持風雅
滂喜抱冰頌管招邀古寺交舞處槐龍翠滿樓好翰山移
偏近水羣仙蕭散於今蔓草頽垣晚那復見舊時池館
更馬鄭應劉蘇辛歐趙同付雲煙眼望前塵塵已渺莫論
頭長簿短病榻維摩伴伊誰鑪香茗盃

此詞成後惺吾又作古人

三百七十六

賀新涼

秩山表兄爲漢章表姪寫海棠小幅年屆九矣筆
下無一毫枯槁氣此長壽徵也予年亦屆八爲題

一詞

泥污胭脂溼更何須花前留憾無香可襲豔李穠桃總粗
俗風色幾番偷入漸彈滿猩紅點汁昔在西川狂顛甚納
沈香妃子清呼吸憑畫手爲收拾徐熙衰去逢春及看
案頭婆娑老子來年九十勻粉調朱閒揮灑幻出瓊枝烟
浥乞得輕陰勤護惜免雨中淒愴成悲泣陳思譜當篇什

百字令

無才經世甘蒿萊埋沒漫嗟髀肉森木鳴蟬方競響螿羽
自潛幽獨歲月蜉蝣浮華蟻蠓難待黃梁熟人情勘透無
須遙集悲哭 向時萬紫千紅玉仙洪福錦簇花團局幾
度秋風秋雨後賸此霜松雪竹蟪蛄朝菌榮枯一瞬惹得
愁千斛勿來饒舌蒲團一睡應足

吾師石蓮先生文章政事有光前烈爲當世所宗仰行年
七十有八神明不衰文字之好無異曩昔所槩先世遺箸
及昔賢四部書甚夥獨手所撰述緘祕未出昌綬亟以爲
請乃手授詩詞稿屬同志審訂先生矜慎別擇勇去少作
所存僅百一詞刻先成因志緣起乙卯七月門下士仁和
吳昌綬書後

石蓮七十七自壽詞
 敬美自六十後六年五有自壽詞用北調長套偶
 效爲之

典重莊嚴

氣勢浩瀚如
韓歐散文
字

兩滴芭蕉殊
難爲聽敘事

正宮端正好。堯舜世道光。時十八年二月卯春分節八日。
 花朝良辰攬揆嘉名詔。伯仲間憐偏小。
 滾繡毬。則記俺梅嶺邊。戲鼓靴柳江邊。度亂髮。又隨侍大。
 河嵩岳承恩澤。移畿輔。路近雲霄向黔靈。指節旄返終南。
 聽鼓馨拜先主君臣祠廟。更曾經雨淋鈴驟網蜀道。嚴親。
 又視之江學慈母歸依故里。喬祇未得龕楮觀潮。
 叨叨令。一霎時降嚴霜殺百草。堂護老一霎時陳封章。請。

親事畢淋漓
悲痛纏入霜
鐘

讀書

與小阮庾生
侍御先後登
賢書

春闈報罷

以工部郎恭
辦奉安授

解職庭椿耄一霎時去錢唐攜琴鶴歸途繞一霎時讀慕
我念生我天不弔兀的不痛殺人也麼哥兀的不閃殺人
也麼哥祇賸得弟與兄叔合姪三人了

脫布衫始讀書不間昕宵對青燈午夜頻燒始學文全忘
昏曉望青雲九天路渺

小梁州柳下專心祀棗糕汁染宮袍科名連歲榜頭標咸
與籍僥倖得連鑣

么春闈獨媿泥金報空惹人七次牢騷永使我落孫山文
憎命長辭號舍焚硯學君苗

上小樓登仕版冬官雅操屯田韻號驚遇攀髯仙去鼎湖

陳州府知府

鄭州河決調
開封擺江安
糧道

過密簫韶出燕郊神路繚六年照料博得箇把一麾柳湖
瞻眺

么驚心的鯨奔龍跳金堤走埽千萬興工百萬賑饑拯此
鴻嗷人牽菱粟空厥百般竭蹶都只爲鄭州口決黃流倒

滿庭芳因之遷調任以領袖使繼歐包一心慎恤刑章考
陽世陰曹一重輕嚴如斧鉞一出入判決秋毫十八年爲

郡守落得箇循資舊套衣繡斧方操
快活三又三年督轉漕朝牽輓夜叫喏受挑剔費盡中間

飽令正供入天庾精合糙
朝天子覺忽開海島幕忽危燕雀鷲地聽蒙塵耗麻鞋行

軒然大波有
雲垂海立之

觀
奔赴行在權
閣泉

擢江藩

調直藩護直
督以侍郎派
駐滬充會辦
電政大臣

補倉場侍郎
出撫江西

在路迢迢有似失羣鳥望秦關一時怎到觀天顏恩莫報
拋江魚味好聽閩猿清叫命去掌提刑稿

四邊靜議和成賠償最要搜索盈餘增加稅繇白下開藩
又返三山權羅掘成空桑孔為勞粥無米婦難巧

要孩兒都統署天津新撤須探討又調我京畿鎮剿光陰
兩月聖恩叨許乘輅駐滬巡瞭特設置郵傳紫電三年領
要整飭光射金蛇萬里遙恰日俄兵事肇天傳朔雁水遞

文縑

五煞漕京通五日期去章江二水滔會城正涉歐西教笙
歌酒醴娛來使議抵罰賠結外交又是萍江閩閩直動了

兵聯四省方落得凱奏金鏡

四煞佐郵傳過一年撫河南悲兩朝官從舊地遷纔樂重
看竹馬兒童老漸見鵝鸞舊侶凋只為從民所好因礦務
橫生粗牯博得箇解鎮逍遙

三煞退院僧瘦骨支舊宮人白髮飄歸來不用船合轎三
椽老屋宣南寄幾點晨星日下遭真率會情共表且相與
素心朝夕問荅漁樵

二煞忽漁陽鞞鼓喧倏神京襁負逃城頭頭白烏飛噪隨
行帶屋蝸難學失路投林燕覓巢幼安避遼東早從此便
鴻冥蠖屈跡晦身韜

補郵傳侍郎
出撫河南
以上敘述仕
履步驟井井
不蔓不枝
豪蕩感激瀏
漓頓挫五煞
不減老杜之
七歌度曲至
此能事畢矣

舉重若輕何
等神力合拍
按腔曲折盡
意他人為散
文尙不能如
此游行自在

信奇文亦至
文也
結語瀟灑蘊
藉此道當行

一煞鼓兒詞賈島西道情歌鄭板橋旁人莫把癡頑笑快
無福鼓搥千杖清少牙琴按七條權當作歌合獻博得箇
心閒夢穩又何妨利盡名消
尾聲安期棗莫尋方朔桃難找算八旬僅有三年少且看
他子子孫孫膝下繞

以龍門自敘之氣行宮調曲折之中朗爽似白仁甫瀟
灑似馬東籬其敘述剪裁全以古文法行之則康王樂
府不是過也公喜為倚聲不甚度曲今偶一為之而分
刊節度不失累黍宮商抗墜要眇抑揚試拍紅牙絕無
拗折噪子之弊信賢者不可測已安得付之雪兒於翠

尊絳蠟間鼻聲歌之一洗邇來嘈噴噍殺之音乎甲寅
二月望義州李葆恂拜讀

自敘分明太史公當筵一曲氣如虹都將身世無窮感
付與銅絃鐵板中

瑤環瑜珥繞庭闈軼轍賢名世所稀舞綵堂前應一笑
著將豸繡當萊衣叔子以南汝道迴避調江安糧道即公開封守所遷之官也

解組承歡足嘯歌孝廉衣鉢繼巍科料應祝壽無凡語
三代奇文貯腹多季子以名孝廉官佛山同知卓異告歸朝夕侍側先德所輯據古錄中篆

文章政事兩堪傳合有新詞播管絃試聽謳歌何處徧

兩河南北九江邊

公自壽曲葆恂既僭爲評注復題小詩四章述公子之賢以見公之全福卽以爲賤子介壽之詞可也義州李葆恂初稿

波瀾壯闊音節蒼涼以侯魏序事文筆施之於尋聲按拍之中卓然大家古今獨步倚笛高歌足裂金石甲寅莫春金綬熙謹注

恂

道州

